

समे — 12:25

<><><><><><>

PM-Russia Visit

प्रधानमंत्री नरेन्द्र मोदी होर दऊं दिनें दे रूस दौरा पर रवाना होए। ओह 16में ब्रिक्स शिखर सम्मेलन च हिस्सा लैने आस्तै गे न। रवाना होने थमां पैहले अपने ब्याने च प्रधानमंत्री मोदी होरें आखेआ जे भारत ब्रिक्स अंदर डूहगे सैहयोग गी महत्व दिा ऐ। ब्रिक्स वैश्विक विकास एजेंडा, बहुपक्षवाद, जलवायु बदलाव, आर्थिक सैहयोग, लचीली आनूर्ति श्रृंखलाएं दा निर्माण, संस्कृति ते लोकें दा लोकें कन्नै संपर्क बधाने जनेह मुद्दे पर गल्लबात ते चर्चा आस्तै इक महत्वपूर्ण मंच दे तौरा पर उभरेआ ऐ। उनें आखेआ जे पिछले बरें नमें सदस्यें गी जोड़ने कन्नै ब्रिक्स दे विस्तार नै वैश्विक भलाई आस्तै एहदी सभावेशिता ते एजेंडे गी जोड़ेआ ऐ। प्रधानमंत्री होरें आखेआ जे जुलाई 2024 च मास्को च आयोजित सलाना शिखर सम्मेलन दे आधार पर कजान दी उंदी यात्रा भारत तं रूस बश्कार खास ते महत्वै आली रणनीतिक सांझेदारी गी होर मजबूत करोग।

<><><><><><>

President-Water Awards

राष्ट्रपति द्रौपदी मुर्मू होर अज्ज नमीं दिल्ली च 5में राष्ट्र जल पुरस्कार-2023 भेंअ करगन। केन्द्री जल शक्ति मंत्रालय नै 9 श्रेणिं च 38 विजेताएं दी घोषणा कीती ऐ। जिंदे च बेह्तरीन राज्य, बेह्तरीन जिला, बेह्तरीन ग्रां-पंचैत, बेह्तरीन शैहरी मकामी विकास, बेह्तरीन वाटर यूसर एसोसिएशन ते बेह्तरीन सिविल सोसायटी शामिल ऐ। साढ़े संवाददाता दी रिपोर्ट मूजब बेह्तरीन राज्य दी श्रेणी च पैहला पुरस्कार आंडिशा राज्य गी, दूआ पुरस्कार उत्तर प्रदेश राज्य गी ते त्रीआ पुरस्कार गुजरात ते पुडुचेरी गी दित्ता गेआ ऐ।

<><><><><><>

LG Jammu

उपराज्यपाल मनोज सिन्हा होरें कल गांदरगल दे गगनगीर इलाके च आतंकवादी हमले च मारे गेदे 7एं लोकें चा इक शशि अबरोल हुंदे परोआर आलें कन्नै कल मलाटी कीती। उनें सौगी परोआर कन्नै अपनियां संवेदना जाहर कीतियां। उपराज्यपाल होरें भरोसा दोआया जे इस हमले दे जिम्मेदार आतंकवादिएं गी बख्शेआ नेई जाग ते तौले गै उंदा सफाया कीता जाग। उनें पीड़ित परोआर गी प्रशासन आस्सेआ हर संभव मदद दा भरोसा दोआया। पूरा मुख्य दुख दी इस घड़ी च सौगी परोआरें कन्नै ऐ। उनें आखेआ जे प्रशासन अबरोल हुंदे बच्चे दी शिक्षा ते कल्याण लेई हर संभव जतन करोग। चिरे संजा शशि हुंदा पार्थिव शरीर उंदे घर पुज्जा। उंदी खीरी संस्कार अज्ज कीता जाग।

<><><><><><>

Gandermal Combing Operation

गांदरबल च सुरंग निर्माण आली थाहर पर आतंकवादिएं आस्सेआ कीते गेदे हमले जेहूदे च 7एं लोक मारे गे हे, दे मगरा सुरक्षाबलें कल इलाके च व्यापक तपाशी अभियान चलाया ऐ। एनआईए मोके वारदात पर जाइयै सबूत किट्ठे करा'रदी ऐ। सेना, सीआरपीएफ ते पुलसकर्मी निर्माण आली थाहर दे आले दुआले तपाशी करा'रदे न तां जे आतंकवादिएं जां फही ओहूदे सहायकें गी फगड़ेआ जाई सकै। रिपोर्ट मूलब राष्ट्रीय जांच अजेसी नै मौके आली थाहर दा दौरा लाया ऐ तां जे किश सबूत किट्ठे करी सकै जेहूदे कन्नै जांच च मदद थोग ते इस हमले लेई जिम्मेदार लोकें खलाफ कारवाई होइ सकै।

ADGP-J&K Police

<><><><><><>

Haj-2025 Extension

ICC T-20